

मैं कई पाप किदो यमदूता,
धीरे दो कोड़ा की ॥

माता पिता को केणो न मान्यो,
न तो सुनतो वाकी,
बुढापा में हीडा न किदा,
न उड़ाई माकी ।
मैं कई पाप किदो यमदूता,
धीरे दो कोड़ा की ॥

गरीबा ने गणो लुटतो,
कहतो ब्याज बाकी,
गर्भ घमंड में फिरतो रेतों,
नाड राखतो बांकी ।
मैं कई पाप किदो यमदूता,
धीरे दो कोड़ा की ॥

पराई नार ने बेन बना ली,
राखी डोरा साखी,
पर्दे मोज्या मानतो थूं,
नार बना ली घर की ।
मैं कई पाप किदो यमदूता,
धीरे दो कोड़ा की ॥

भोला ढाला ने दुख देतो थूं,
रोगी घृणा वांकी,
झूठ कपट से माया जोड़ी,
फेर बोल रियो काकी ।
मैं कई पाप किदो यमदूता,
धीरे दो कोड़ा की ॥

राम नाम कधी न भजतो,
न सत्संग में झांकी,
नूगरो रेग्यो भाईडा रे थारे,
गुरु नाथ नही नाकी ।
मैं कई पाप किदो यमदूता,
धीरे दो कोड़ा की ॥

बुद्धपुरी गुरुदेव भीम जी,
शारद माता झांकी,
भेरयो गारी गुरु शरण में,
प्रभु सुणज्यो माकी ।
मैं कई पाप किदो यमदूता,
धीरे दो कोड़ा की ॥

मैं कई पाप किदो यमदुता,
धीरे दो कोड़ा की ॥

गायक चम्पा लाल प्रजापति ।
मालासेरी डूंगरी 89479-15979

<https://www.bharattemples.com/main-kai-pap-kido-yamduta-dhire-do-koda-ki/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>